



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr. 2547, datë 13.03.2015

Për

“Miratimin e dokumentit për këshillim publik “Mbi dhënien e të drejtave të përdorimit në brezat e frekuencave 1900-1980 MHz dhe 2110 – 2170 MHz, brezi - IMT””

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

- | | | |
|-----------------|----------|---------|
| 1. Z. Piro | Xhixho | Kryetar |
| 2. Z. Alban | Karapici | Anëtar |
| 3. Znj. Anila | Denaj | Anëtar |
| 4. Znj. Ketrin | Topçiu | Anëtar |
| 5. Znj. Klarina | Allushi | Anëtar |

dhe sekretare Znj.Iris Xhanaj, në mbledhjen e datës 13.03.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, dhe Rregullores së Brendshme të AKEP, miratuar me Vendimin Nr. 2506, datë 30.10.2014 të Këshillit Drejtues të AKEP, shqyrtoi çështjen me objekt:

“Miratimin e dokumentit për këshillim publik “Mbi dhënien e të drejtave te përdorimit në brezat e frekuencave 1900-1980 MHz dhe 2110 – 2170 MHz, brezi - IMT””

BAZA LIGJORE:

1. Kodi i Procedurës Administrative (**KprA**);
2. Shkronja g) dhe gj) e nenit 8, pika 2 e nenit 65, neni 66 dhe neni 68, të ligjit nr. 9918, datë 19.05.2008 “ Për Komunikimet Elektronike në Republikën e Shqipërisë” (**ligji nr. 9918**), i ndryshuar;
3. Vendim i Këshillit të Ministrave Nr. 466, datë 27.2.2013 “Për miratimin e Planit Kombëtar të Frekuencave”.
4. Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP.

K Ë SHILLI DREJTUES:

Nga shqyrtimi i materialit shkresor si më poshtë:

1. Relacioni shpjegues mbi dokumentin për këshillim “Mbi dhënien e të drejtave te përdorimit në brezat e frekuencave 1900-1980 MHz dhe 2110 – 2170 MHz, brezi - IMT”;
2. Dokumenti për këshillim publik “Mbi dhënien e të drejtave te përdorimit në brezat e frekuencave 1900-1980 MHz dhe 2110 – 2170 MHz, brezi - IMT”;
3. Projektvendimi përkatës, si dhe diskutimet në mbledhje mbi çështjen;

Duke iu referuar bazës ligjore të sipërcituar,

V Ë R E N se :

1. Dokumenti për këshillim publik “Mbi dhënien e të drejtave te përdorimit në brezat e frekuencave 1900-1980 MHz dhe 2110 – 2170 MHz, brezi - IMT” është përgatitur në përputhje me kuadrin ligjor përkatës.
2. Hartimi i dokumentit është bazuar në pikën 2 të nenit 65, pikën 1 dhe 2) të nenit 68 të ligjit nr. 9918, datë 19. 05. 2008 “Për komunikimet elektronike në Republikën e Shqipërisë” (ligji nr. 9918), i ndryshuar, Vendimit të Këshillit të Ministrave Nr. 466, datë 27.2.2013 “Për miratimin e Planit Kombëtar të Frekuencave”,
3. Qëllimi rregullator mbi dhënien në përdorim të këtyre frekuencave është:
 - të nxisë një konkurrencë sa më efektive në tregun e komunikimeve elektronike dhe përdorimin sa më të frytshëm të frekuencave në rastet e kufizimit të tyre.
 - të krijojë një kuptim më të qartë për impaktin që do të ketë dhënia në përdorim e këtyre brezave ;
 - të njohë interesin për marrjen në përdorim të tyre (numrin e kërkesave) ;
 - të njohë çmimin që janë të gatshëm të ofrojnë të interesuarit për një brez të caktuar ;

si dhe të mundësojë krijimin e një terreni të përshtatshëm për procedurën e dhënies së të drejtave të përdorimit të frekuencave, etj.

P Ë R K Ë T O A R S Y E:

Bazuar në Kodin e Procedurave Administrative, dhe ligjin nr. 9918, datë 19.05.2008, “Për komunikimet elektronike në Republikën e Shqipërisë”, i ndryshuar.

V E N D O S:

1. Miratimin e dokumentit për këshillim publik “Mbi dhënien e të drejtave të përdorimit në brezat e frekuencave 1900-1980 MHz dhe 2110 – 2170 MHz, brezi - IMT” sipas dokumentit bashkëlidhur këtij vendimi.

2. Periudha e këshillimit publik fillon nga data e publikimit të dokumentit në mediat e shkruara kombëtare dhe është 45 ditë.
3. Ky vendim të publikohet në faqen e internetit www.akep.al

Ky vendim hyn në fuqi menjëherë.

K R Y E T A R

Piro XHIXHO

ANËTARËT E KËSHILLIT DREJTUES:

1. **Alban KARAPICI** _____
2. **Anila DENAJ** _____
3. **Ketrin TOPÇIU** _____
4. **Klarina ALLUSHI** _____

NJOFTIM PËR KËSHILLIM PUBLIK

MBI

DHËNIEN NË PËRDORIM TË BREZAVE TË FREKUENCAVE

IMT

1900-1980 dhe 2110-2170 MHz

1. Autoriteti i Komunikimeve Elektronike dhe Postare - AKEP,

a) Bazuar në:

- shkronja g) dhe gj) të nenit 8, pika 2 e nenit 65, neni 66 dhe neni 68 të ligjit nr. 9918, datë 19.05.2008 “Për komunikimet elektronike në Republikën e Shqipërisë” (ligji nr. 9918), i ndryshuar;
- Vendimin e Këshillit të Ministrave Nr. 466, datë 27.2.2013 “Për miratimin e Planit Kombëtar të Frekuencave”,

b) Me qëllim:

- **përmbyshjen me sukses të politikës së zhvillimit të sektorit të komunikimeve elektronike,**
- nxitjen e një konkurrence sa më eficiente në tregun e komunikimeve elektronike dhe përdorimin sa më të frytshëm të frekuencave në rastet e kufizimit të tyre **si dhe;**
- në plotësim të kërkesave të sipërmarrësve për frekuenca,

nis këshillimin publik për dhënie të drejtash përdorimi në brezat e frekuencave **1900-1980 MHz, 2110-2170 MHz (IMT).**

2. Synimi i AKEP është:

Zbatimi i një procesi dhënie të drejtash përdorimi sa me objektiv dhe transparent në përfitim të konsumatoreve shqiptare dhe ekonomisë shqiptare, krijimin e një tregu konkurrues në Shqipëri, si dhe përdorimin efektiv të spektrit.

3. Burimet e spektrit:

Plani Kombëtar i Radio Frekuencave përcakton brezat 1900-1980 MHz, 2110-2170 MHz ku mund të autorizohen shërbimet IMT.

Të drejtat e përdorimit janë parashikuar të jepen në brezin e frekuencave 1970-1980 MHz - çiftuar me 2160-2170 MHz dhe 5 MHz spektër i paçiftuar 1915-1920 MHz.

4. Kushtet e përdorimit:

Në Planin Kombëtar të Frekuencave (dhe brenda CEPT) ky brez është përcaktuar si përdorim kryesor për IMT. Kjo përfshin IMT-2000 dhe IMT – të avancuar. Përdorimi i këtij brezi do të bëhet në përputhje me vendimin e “Electronic Communications Committee”- ECC/DEC/ (06)01 - “The harmonised utilisation of the bands 1920-1980 MHz and 2110-2170 MHz for mobile/fixed communications networks (MFCN) including terrestrial IMT systems”, rekomandimin ERC/REC (01)01 dhe standartin ETSI - EN 301 908.

Bazuar në sasinë e spektrit (2x10 MHz spektër i çiftuar 1970-1980 MHz - çiftuar me 2160-2170 MHz dhe 5 MHz spektër i paçiftuar 1915-1920 MHz) AKEP përpara marrjes së vendimeve për vazhdimin e këtij procesi do të vlerësonte opinionin e të interesuarve për përdorimin e këtij spektri lidhur me çështjet e mëposhtme:

- 1. AKEP mendon se numri maksimal i të drejtave të përdorimit është 2 (dy) me nga 5 MHz secila për spektrin e çiftuar (1970-1980 MHz - çiftuar me 2160-2170 MHz) dhe 1 (një) e drejtë përdorimi 5 MHz për spektrin e paçiftuar 1915-1920 MHz.*

Komentet përkatëse.

- 2. Bazuar mbi këtë propozim cila është vlera që jeni gati të paguani për të drejtë përdorimi?*

Komentet përkatëse.

Argumentat nëse keni ndonjë çështje tjetër për t’u marrë në konsideratë.